



Die Oudtshoorn- en De Rust-toerismekomitee is voor, van links: Alison Moos, Daniëlia Fourie (ondervoorsitter), Niel Els, Shanel Lambrechts en Corleen Barnard (toerisme bestuurder). Agter: Tammy Moul, Jan Venter, Barend Smit en Pienaar Muller. Afwesig: Billy Engelbrecht (voorsitter), Suné Linde, Helene Retief en Lanie-Marie Roets. Foto's: Liezl van Niekerk

Toerismekantoor hou AJV

LIEZL VAN NIEKERK

Billy Engelbrecht en Daniëlia Fourie is Woensdagaand tydens die Oudtshoorn-toerismeburo se algemene jaarvergadering, vir die tweede agtereenvolgende termyn, onderskeidelik as die voorsitter en ondervoorsitter van die Oudtshoorn- en De Rust-toerismekomitee herkies.

Barend Smit van die Protea Hotel by Marriott Oudtshoorn Riepie Estate, en Pienaar Muller van Wilgewandel, is ook as nuwe komiteelede verwelkom.

Fourie, het in die afwesigheid van Engelbrecht, die voorsittersverslag aan die gaste voorgelees.

Volgens haar het die buro 'n baie suksesvolle jaar beleef en sy het veral klem gelê op die bemerkingsgeleenthede wat in Suid-Afrika sowel as oorsee bygewoon is.

“Corleen Barnard, ons kantoorbestuurder, het onlangs teruggekeer van haar laaste oorsese besoek waar sy Oudtshoorn in Suidoos Asië bemark het.

Die veiligheid van ons toeriste, veral in die middeoord, is vir ons van kardinale belang en ons komitee het reeds verskeie

vergaderings hieroor gehad. Ons is besig met planne om Oudtshoorn 'n veilige toerisme dorp te maak en inligting hieroor sal, sodra alles gefinaliseer is, aan almal oorgedra word.”

Tammy Moul, ook 'n lid van die komitee, het die gaste meer oor die buro vertel.

“Ons het toonbanke op De Rust, by die Kango-grotte en by die Ostrich Emporium. Ons wil soveel moontlik toeriste wat ons streek besoek bereik en dit vir hulle gerieflik en gemaklik maak om inligting te verkry.”

Sy sê hulle primêre doel is om besoekersgetalle van binnelandse- sowel as buitelandse toeriste te verhoog deur middel van bemarking.

Die gasspreker van die aand was Teddy Ntsente, van die toerisme graderingsvereniging.

“Ons gradeer onder meer gastehuse, hotelle en toeriste-atraksies op grond van die kwaliteit van hul akkommodasie, konferensiefasiliteite en toeroperateurs.”

Volgens hom is daar talle voordele verbonde om 'n ster-gegradeerde instansie te wees en kan aansoeke slegs aanlyn gedoen word.

Die aand is met 'n gelukstrekking en heerlike sop en roosterkoek afgesluit.



Teddy Ntsente, van die toerisme graderingsvereniging, was die gasspreker.



Gaste tydens die toerisimevereniging se AJV.



BRIDAL FAIR 2018

30 August – 2 September

Win a voucher from

BROWNS

THE DIAMOND STORE

TRUSTED SINCE 1934

Enter on our website www.gardenroutemall.co.za. T's & C's apply.

#AllABrideNeeds



Thurs, 30 August: 9:00-18:00 Sat, 1 September: 9:00-17:00 For bookings call 044 887 0044
Fri, 31 August: 9:00-18:00 Sun, 2 September: 9:00-15:00

GARDEN ROUTE
MALL

[gardenroutemall.co.za](https://www.gardenroutemall.co.za)